



Tilsynsutvalet i Vestland Hardangervidda nasjonalpark

SAKSGANG

Utval	Møtedato	Saksnr. i utval
Tilsynsutvalet i Vestland for Hardangervidda nasjonalpark	13.06.2022	028/22

Saksbehandlar:	Arkivsak – dok.nr	22/802 – 87
Anne Gerd Nysveen	Journalpostnr.	22/14250

Søknad om løyve til bruk av båt med motor på vatn mindre enn 2 kvm for Røldal fjellstyre

Saka blir avgjort av:

Tilsynsutvalet i Vestland for Hardangervidda nasjonalpark

Aktuelle lover, forskrifter, avtaler m.m.

Forskrift om vern av Hardangervidda nasjonalpark av 31.mai 2002.

Forvaltningsplan for Hardangervidda nasjonalpark av januar 2011.

Naturmangfoldloven av 19.06.2009.

Tilråding til vedtak:

Tilsynsutvalet i Vestland for Hardangervidda nasjonalpark (TUV) opnar for at fjellstyra i Eidfjord, Ullensvang og Røldal kan søkje om og får tildelt løyve til bruk at båt med motor inntil 10 hk på vatn mindre enn 2 km², som ligg ved fjellstyret sine hytter. Fjellstyret har då høve til å leige ut båt med motor til gjester som har løyst garnfiskekort eller har gyldig storviltjaktkort. Løyvet gjeld for ein sesong i slengen, og må søkjast om kvart år.

13.06.2022 Tilsynsutvalet i Vestland for Hardangervidda nasjonalpark

Behandling

Røysting:

Samrøyste

TUV – 028/22 Vedtak

Tilsynsutvalet i Vestland for Hardangervidda nasjonalpark (TUV) opnar for at fjellstyra i Eidfjord, Ullensvang og Røldal kan søkje om og får tildelt løyve til bruk av båt med motor inntil 10 hk på vatn mindre enn 2 km², som ligg ved fjellstyret sine hytter. Fjellstyret har då høve til å leige ut båt med motor til gjester som har løyst garnfiskekort eller har gyldig storviltjaktkort. Løyvet gjeld for ein sesong i slengen, og må søkjast om kvart år.

Saksopplysningar:

Røldal fjellstyre har pr. telefon spurt om det er anledning for fjellstyret å søkje om løyve til å nytta båt med motor inntil 10 hk. på vatn mindre enn 2 km² som ligg ved fjellstyret sine utleiehytter.

Bakgrunnen for søknaden er at dei då vil leige ut båt med motor for sine gjester, som har kjøpt garnfiskekort eller har jaktkort, og som ville fått tildelt eige løyve til bruk av båt med motor for dette føremålet dersom dei hadde sendt inn eigen søknad. Dette for å forenkle saksgang både for søkjar og oss, og det vil minske faren for at nokon gløymer å søkje om å få nytta båt med motor til desse føremåla.

Vurdering:

I fylgjer verneforskrifta for Hardangervidda nasjonalpark § 4, pkt. 4.6.3.1 som gjeld storviltjakt, pkt. 4.6.3.2 som gjeld garnfiske og pkt. 4.6.3.4 som gjeld landbruksverksemd kan det gjevast løyve til bruk av båt med motor på inntil 10 hk på vatn som er mindre enn 2 km².

Tilsynsutvalet har i sak 09/20 laga retningsliner for tildeling av motorferdselløyver i barmarksesongane i åra 2020 – 2023. Alle som løyser garnfiskekort, har gyldig jaktkort på storvilt eller driv med beitedyr innan nasjonalparken kan etter søknad få tildelt løyve til bruk av båt med motor til desse føremåla på vatn mindre enn 2 km².

I ljuset av dette vil det vera både tids og arbeidsbesparande for TUV å gje løyve direkte til fjellstyra i Røldal, Eidfjord og Ullensvang, som sel jakt eller garnfiskekortet. Det er ein forutsetning at den som leiger hytta har løyst garnkort eller storviltjaktkort for å nytta seg av båt med motor til dette føremålet. Eit slikt løyve bør ha same gyldigheit som ein privatperson ville fått dersom det vart tildelt løyve direkte, dvs. ein sesong i slengen. Kvart fjellstyre må då søkja til TUV om løyve til bruk av båt med motor på namngitt vatn årleg.